

**Uunga siunnersuut: Tapersiissutitalimmik inissialiortiternermut taarsigassarsititsisarneq pillugu Inatsisartut inatsisaata allanngortinnissaa pillugu**

**Inatsisartut inatsisaat**

(Inissiamik atuisarnerup piumasaqaataanik erseqqissaaffiginera)

(Ineqarnermut Attaveqaasersuutinullu Naalakkersuisoq)

**Akissuteqaat**

(Ineqarnermut Attaveqaasersuutinullu Naalakkersuisoq)

**Aappassaaneerpeqarnera**

Naalakkersuisut sinnerlugit Sanaartornermut Ataatsimiititaliaq, isumaliutissiissuteqarneranut aammalu peqqissaartumik ataatsimiititaliap sulisimaneranut, qutsavigaara.

Ataatsimiititaliaq isumaliutissiissummini allappoq, siunnersuutip siullermeerpeqarnerani inissiani tapersiissutitalimmik inissialiortiternermut taarsigassarsiaqarfiusuni annikitsumik namminersorluni inuussutissarsiornermik ingerlatsinermut killilersuinernut tunngatillugu isummat assigiinngisitaarsimasut.

Ataatsimiititaliaq aammattaaq allappoq, siunnersuutip matuma akuerineqarnerani suliffeqarfinnik inissiamit pisortanit tapersiissutitalimmik inissialiortiternermut taarsigassarsititsiviusimasumit nuuttariaqalertoqarsinnaasoq, imaluunniit tapersiissutitalimmik inissialiortiternermut taarsigassarsiarititat utertillugit akilerneqartariaqalertussaasut.

Pisortat aningaasaataasa siunertanut ikiorsiissuteqarfiusunut atorneqarnissaat Naalakkersuisut pingaartippaat, matumani pisuni nunatsinni innuttaasut inissiamik pilersorneqarnissaat pineqarluni.

Naalakkersuisuni nuannaarutigaarput ataatsimiititaliami amerlanerussuteqartut siunnersuutip akuerineqarnissaa inassutigimmassuk.

Naalakkersuisunit taamatut oqaaseqarluta, siunnersuutip akuerineqarnissaa siunertaralugu, siunnersuut pingajussaanneerpeqartussanngortinneqassasoq, inassutigaarput.